



何 鹤(北京)

席间闻酒品即人品有作

茫然回首半成翁,浪迹京华西复东。
云梦已同三月老,诗心难饮一杯空。
惯从酒品思人品,何以文风敌世风。
我自行来我自素,席前无意问穷通。

潭柘寺采风

旧雨新知难陌生,戒心彼此小于零。
云堆山口诗迷路,春掩佛门花诵经。
野趣自来当自忘,俗音宜滤不宜听。
世间纷扰由它去,独善其身座右铭。

春日通州

大运河西宜纵眸,春光次第到枝头。
蝶初睡醒云初散,花渐芬芳柳渐柔。
每戒浮名伤淡定,岂因逆境怯风流!
扁舟一叶凭来去,诗海从容垂钓钩。

李小祥(浙江·杭州)

民工行

农民工,农民工,萧萧短发北风中。我
哀其貌为顾问,扶杖吞声未死翁。自
言工地穷筋力,奔走蝇营但谋食。一
朝出门一转蓬,浮生跬步念艰棘。三
月风侵雨交伤,六月日镕火生裳。寒
砧九月雁不到,来时征衣去时霜。年
光看逐尽南海,慢卷寒闺心不改。忧
来白发新添年,倚闾望断暮相待。夜
来频梦绕乡关,可怜天远无数山。殷
勤犹问归期日,怎奈未期得钱何知
还。得钱所营本无求,寸草是以报远
游。朱门往来皆宝马,门前谁怜民工
愁。国际歌一曲,噫吁泪沾巾。万古冷
暖犹如此,何堪与我同病话悲辛。

登白菊花尖之作

萦峰樵路落霞长,咫尺云天隔渺茫。
指点炊烟竹深处,人间何必识吾乡。

师红儒(山西·朔州)

雾中游锡崖沟

自问青冥原可攀,瑶池波冷没云间。

苔阶滑足陡生畏，幽涧回头不见山。
冶锡无途终老死，凿岩有术改居艰。
萧森草木困人意，长把空濛一处关。

白马寺山晚眺

南望晋城灯火中，吾身山色瘦松风。
景公塔照天心月，梵阁铎鸣司马功。
一步因缘应有异，千阶物象暗殊同。
常情只待新词引，踏入尘泥每作空。

晋社成立一周年有寄

几回月上塞边楼，遽尔惶惊又一秋。
守拙倚声明我意，无心取巧弄潮流。
快哉昨岁吟筵往，璀璨辞章今日收。
马邑清寒何必寄，磊然此气自相投。

涂运桥(湖北·武汉)

建筑工

脚手架中泥染身，一砖一瓦费劳辛。
筑成华厦上千栋，不是高楼屋里人。

童年记趣

南塘玩水夕阳迟，衣裤轻抛挂柳枝。
戏罢还家黄犬吠，母亲月下唤儿时。

岳阳楼怀古

谁怜月下抱头吟，潦倒孤舟泪满巾。
纵使穷愁身至死，为民亦不改痴心。

林远先(广西·桂林)

光棍节有感

陌上无光棍，佳人畅叙游。
浮萍同雨聚，衰柳半湖投。
更在相思处，如寻慷慨楼。
时时逢梦里，非是醉神州。

寒食日早出

不雨无春树，青山带雨眠。
花开芳草盛，泪湿霓裳翩。
柳意谁将复，钟情我最怜。
欲从岩谷里，眺望一行鸢。

李芊芊(甘肃·康县)

中秋月夜

清窗月色积如昼，风露香发桂树寒。
今夜可怜无故友，独摘星斗入棋盘。

腊梅

态冷隐深墙，寒轻数萼黄。
清新怜月夜，疏秀动明窗。
汲露枝犹润，凭风味愈香。
骚人如解意，认取入杯觞。

阳坝闲居

岁月闲中度，声名纸上轻。
山明满树雪，天静一河冰。
集市春灯闹，诗书妙境生。
偶逢三两客，煮酒到深更。

涂 君(浙江·长兴)

减字木兰花

江南形胜,十里烟霞诗永兴。欸
乃闲歌,一品清茶袅碧螺。南屏
钟晚,柳梦天涯春恨短。月系归舟,便
与清风到客楼。

南乡子

染柳掩黄昏,风卷微云掠草痕。
山色入眉无远近,谁人,修得兰心不
染尘。花落雨纷纷,又惹相思不
忍闻。未解旧时无限恨,茵茵,赋你浮
生一片春。

春 忆

风岚俱净水连天,一曲江南合雨眠。
最忆朱楼楼上月,犹怜翠柳柳中烟。
邀来飞燕吟诗酒,送去余晖伴梦田。
剪叶裁花芳骨瘦,三春谢尽望流年。

毛俊杰(温州·永嘉)

杜鹃花

君看小径前,名是杜鹃者。
一片泪痕红,可知谁泣下?

寄台湾

绿水何盈尺,白头犹作客。
可怜人望夫,化作望夫石。

依韵一首

昔吾游海上,凭倚小船轻。
登岸不知路,还如醉未明。
行船虽不易,岂有路难行?
但看人行处,更无风浪平。

罗杰元(新疆·石河子)

游金陵灵谷寺

问道钟山里,寻经秀谷中。
明湖仰苍宇,古塔俯仙宫。
德似林间水,心如天外鸿。
辞行僧院后,步履又匆匆。

杨亚东(河南·商丘)

胜日游田

独吟阡陌久徜徉,逸兴遥飞万里长。
野廓茫茫增绿貌,鸢高荡荡沐晴光。
清风欲唤燕归影,煦气犹猜柳扮妆。
待到仲春携友踏,笛箫唱赋亦倾觞!

阡陌晚游

开卷影微偏,辞庭暮景妍。
红霞牵碧水,白鸟掠青烟。
柳舞千枝韵,风吟万里田。
乾坤春复在,韶岁岂重还?

方建飞(浙江·平湖)

好事近·丙申初夏,赴宴过外婆家,念



及儿时旧事,赋此。

草陌暖风轻,一望野田无际。燕子划空飞掠,正麦秋天气。儿时故地又重来,多少旧相识。桥下落花如梦,伴碧波东逝。

徐小方(江苏·无锡)

卜算子·雪

恁个玲珑开,恁个多情赋。似蝶翩翩奔俗尘,盖尽凡尘污。六瓣透明身,万朵天涯赴。一朵轻拈我指尖,留作心花护。

卜算子

君是妾之眉,妾是君之眼,点滴缠绵入梦云,心是痴弦管。念也诉离愁,念也伤君远。念也全凭一片心,俗世相安暖。

卜算子·夜游秦淮河

新月夜阑珊,旧曲城头绕。十里秦淮十里灯,坐看红尘笑。花影水中移,柳下轻舟棹。孤影风前莫说愁,且伴长风老。

卜算子

心思起于逢,落寞常于左。莫道红尘聚散多,瘦了痴情我。笑语梦中萦,杯底流光过。最怕深情忽转无,可有来生么?

孙晓飞(上海)

喝火令·今夜舞台精彩

燕尾霓光聚,蛾眉乐律牵。步姿优雅热情燃。舒袖贴身旋转,裙摆韵翩然。耳畔闻声赞,林梢出月圆。晚风如约扣心弦。共度今朝,共度夜阑珊,共度舞台精彩,一曲尽欢颜。

暖水袋

灌来沸水不斟茶,横躺肥躯闭嘴巴。自喜天寒身有恃,怎知温暖是人家。

卜算子·晒被子

久雨室阴寒,倍觉晴天贵。乍见朝云抹淡红,纷晒棉花被。拍去坏心情,植入阳光味。今夜应成惬意身,拥枕香甜睡。

卜算子·转身

忘了海之涯,忘了江之左。忘了心中一个她,剩下孤单我。岁月未停留,幸福曾来过。拭去腮痕再转身,不再求如果。

张友福(云南·嵩明)

望乡

望乡千里泪盈眸,此是离家第几秋?常见雁飞山外去,何时插翅返村头?

咏瀑布

白练如飞天上来，银珠串串落成堆。
心泉也有三千尺，欲向人间泻一回。

接父母电话感怀

雨打秋声薄夜寒，十年回首足悲酸。
恐惊二老纵横泪，不敢报之衣正单。

陈 坤(云南·景洪)

水龙吟·海棠

更谁庭院深深，海棠淡注胭脂媚。
柔枝初绽，已堪解语，乔家姊妹。
春去春回，花开花落，多年牵系。
羨东坡夜赏，故烧高烛，红妆照，吟哦里。

客子风霜半世。苦飘零、似萍如寄。
此身怎奈，边城羁久，渐糜壮志。
落叶情思，乡心难遣，却无归计。
叹我双鬓白，未曾等到，月儿逢霁。

暴雨

昨夜蝉儿不住鸣，三更暑气未曾轻。
晓来一阵倾盆雨，眼底冲开万象清。

久雨初晴

绵绵梅雨日阴霾，苔色青青渐上阶。
闲展诗书窗下坐，阳光搂入我心怀。

张海燕(浙江·余姚)

春分五日即感

夭桃尚脂粉，垂柳正青春。
谁探梨花雪，飘飘思出尘。

题图中垂柳

识得蛮腰瘦更添，何堪幽怨上眉尖。
青青底为朱廊转，一任春风不卷帘。

陈老师偕日月湖文社朋友来访，不可
无诗，时值谷雨一日

卅年一任病缠绵，幽草何须天意怜。
别有惠风来甬上，暖流不断到吟边。

再题天井月季花兼答林兄国富老师
春来拼作一时红，漫道枝头病与虫。
知否有人眠不得，隔窗怕听落花风。

李亚丹(浙江·宁波)

湘月·访龚自珍纪念馆次韵定庵

古城深巷，有青砖黛瓦，自生端丽。
我为迟来三万日，不得抚君衣际。
池漾萍花，窗摇蕉影，一片幽凉意。
此间虽好，相留应是无计。多少不寐清宵，
读君湘月，惆怅连绵起。独向苍穹浮大白，
心事杯中能寄。看水看山，对箫对剑，
俱是中年味。犹堪欣慰，双眸尚有铅水。

武汉聚会五阕(录三)

临江仙·寄乐天

楚地几回离散，关山半覆轻霜。



洞庭水域接湘江。光阴真似网,记忆乘微茫。又是西风帘外,倚门惆怅相望。念君此去入苍凉。别来何所约?偶尔报平常。

鹧鸪天·寄天涯

西蜀遥遥接莽苍,有人如玉不能忘。曾经翠盖三千里,自是青衫第一郎。倾醴酪,发官商,十年离别到寻常。为谁珍爱春衫袖,浅拥归来犹带香。

金缕曲·武汉聚会惜别有寄曲水

又向风前握。十年来,几回聚散,几番漂泊。一阕离歌多少话,都在杯中谢幕。念去去,天涯成各。苦历车尘应不悔,纵樱花,空剩千千萼。霜未紧,叶先落。感君赠我红丝镯。但归来,灯前细看,玉轮光泽。别后衣衫犹相系,襟上青青有诺。料记得,江南邀约。珍重余生能再见,愿重逢,依旧清标格。春水岸,绿杨陌。

黄 锐(江西·寻乌)

甲午夏,阿公故去,有怀

一江春水自西东,离恨滔滔千万重。多少叮咛知未尽,剧怜从此不相逢。

又怀阿公(二首)

—

霜珠滴落碧云梢,星斗满天逐水漂。长问婵娟谁与共,如今最忆月光谣^①。

二

四海笙歌彻昼昏,万家灯火黯星辰。犹留归席惊虚设,谁问座中少一人。
注:①余幼时,阿公常教我唱“月光谣”儿歌。

巴浩文(山东·烟台)

暮春道中看落花

一路缓行将到家,吟眸枝上看尘沙。料因得意春风去,闲向诗人解落花。

沈利斌(浙江·杭州)

薔 薇

何须富贵种瑶台,且傍疏篱烂熳开。数尺花阴蝴蝶梦,翩跹飞到眼前来。

暮春口占二首

风雨潇潇度晚春,一帘翠色自天真。相思无用不堪语,尚有飘花化路尘。

春暮江南绿意扬,一宵酥雨满池塘。风雷昨夜惊青草,放出蛙声日日长。

余不足一百一十斤矣,戏题

叔夜抚琴张旭狂,醉中太白句千章。风流何近古人者?惟有纤腰学沈郎。

新 集

浙江经济职业技术学院学生习作选

林永杰 小重山

秋尽苏杭花草盈。西风疏雨后，桂香凝。芬芳难锁烛灯明。漫漫夜，云外一声鸣。早起梦相萦。落英窗外景，不胜情。重阳节里未辞青。故园岭，兄弟却山行。

南歌子·蔷薇

舞蝶轻轻过，蔷薇架上浓。堂前飞燕总匆匆。诗罢遣谁相问，哪枝红？

即 题

窗外危楼夜听雨，门前高树暮看花。阳春渐远渐难觅，一任江风随日斜。

黄翩翩 咏蔷薇

雨滋娇骨亲芳泽，寂寞野篱谁得知？久驻感伊情缱绻，香风明月待君时。

许世霞 咏蔷薇

生于劣境中，默默缀凡尘。要属谁最美，蔷薇入眼新。

李东梅 放手

一生一瞬间，一步一流年。若少真情意，相思也枉然。

裘爽爽 忆江南

东风破，杯锁万般愁。一曲终时还一曲，人生如梦曲幽幽。醒后坐西楼。

刘赐建 如梦令

寒月总催人瘦，别后再难相守。却道也寻常，谁教此生情厚。低首，低首，偷落泪痕人后。

俞 峰 忆江南

枫林晚，霞彩照山亭。信步幽幽青石板，深山钟响道风轻。何处草虫鸣。

刘荣旭 忆江南

双飞燕，红豆满枝头。春月凭风听雨事，阑干闲看少年愁。眉上画朱楼。

季和娟 春日

碧阶雨润苔痕绿，风抚旧园桃杏红。春燕堂前归梦早，花间戏蝶舞西东。

张梓浩 即题

淡看零落风吹雨，笑对缤纷雨打花。何处行人尘色里，春寒透骨向天涯。

蔡豪骏 暮春

连宵雨洗草幽幽，放尽纸鸢花渐收。何惧韶光春易老，人间四季不须愁。

